

## Centro di Demencia Diagnosis, Observacion y Guia

### Meta di Centro di Demencia Diagnosis, Observacion y Guia

Nos meta ta pa contribui, hunto cu otro disciplinanan medico, pa yega na e diagnosis corecto encuanto e sindroma di demencia (tipo y fase). Lo trata di trece padilanti, door di hasi testnan neuropsicologo, cual ta e funcionnan mental cu mester di mas atencion y cual ta esnan cu e cliente no ta experiencia problema aden. Di e forma aki por duna informacion y guia adapta na e necesidadnan individual di cada cliente y nan famia.

### Servicio

- Test neuro-psicologico
- Diagnosis di cuidado (zorgdiagnostiek)
- Casemanagement (sosten y guia durante e tempo necesario na cliente y famia)

Na momento cu e cliente mes, su famia of profesionalnan medico ta pensa cu lo por ta trata di un posibel demencia of ta experiencia cambionan den actitud cu ta causa problema pa e persona of e sistema rond di e persona, por tuma contacto cu Centro di Demencia CasMarie pa mas informacion.



## FUNDACION CASMARIE

- DIAGNOSIS
- COACHING
- MEMORY GROUP
- PASADIA CASMARIE
- GRUPO DI SOSTEN PA FAMILIA
- INFORMACION GENERAL
- TELEFON PA SOSTEN ENCUANTO DEMENCIA

**Pa mas informacion tocante e  
servicionan di CasMarie  
por yama libremente:**

Telefon: 584-3375

Celular: 569-6910

Adres: Savaneta 532-A

Bank. Rek. RBTT: 42.68.288



*Centro di encuentro  
pa personanan cu Demencia  
y nan famia*



**Foyeto di informacion di  
Servicionan di CasMarie**

## CasMarie Centro di Encuentro & Informacion

### Meta di CasMarie Centro di Encuentro & Informacion

Nos meta ta pa contrubui na e calidad di bida di personanan cu demencia y nan famia / cuidadornan informal. Demencia ta un sindroma caminda ta experiencia un deterioro di funcionnan mental, pa cual motibo e persona ta experiencia diferente problemanan cu ta impidi y of stroba cu e por funciona independientemente.

Pa logra e meta, CasMarie ta brinda diferente tipo di servicio. Tin servicio pa e persona cu demencia y tin servicio pa e famia / cuidadornan informal.

### Servicio pa famia / cuidadornan informal di cliente di CasMarie

- Grupo di sosten y informacion bou di guia di un psicologo
- Sosten, informacion y guia individual bou di guia di un psicologo
- Contacto via telefon 569-6910 cu un psicologo, tur diabierna di 8'or am - 4'or pm

E meta di duna Sosten & Informacion na famia tocante e malesa di demencia ta pa reforsa e famianan y pa hunto logra cu e cuido na cas por wordo mantene pa mas largo tempo posibel.

### Servicio di Informacion general (telefonisch spreekuur)

- Tur diabierna di 8'or a.m. pa 4'or p.m, contacto via telefon 569-6910, pa cualkier pregunta of informacion.

## CasMarie Pasadia



### Meta di CasMarie Pasadia

Nos meta ta pa brinda un programa varia na tur persona cu demencia estimulando e mente riba diferente manera den un ambiente placentero pa yuda mantene e abilidadnan lo mas largo posibel.

### Contenido di CasMarie Pasadia

- Programa di actividad varia. Tur e actividadnan ta wordo guia door di personal y voluntario cu ta educa y /of tin experiencia den trabou cu clientenan cu demencia. Ta ofrece lunch merdia, desayuno ta opcional.
- Encuentro mensual entre un profesional y e clientenan cu nan famia, caminda un topico relaciona cu demencia ta wordo discuti hunto.

### Dia y Orario di CasMarie Pasadia

- Dialuna, Diamars, Diahuebs  
7.30 a.m pa 3.30 p.m

### Contribucion pa cliente

- Awg.100,- pa Awg. 200,- pa luna depende cuanto biaha pa siman e cliente ta participa.

## CasMarie Memory Group

### Meta di CasMarie Memory Group

Nos meta ta pa brinda riba diferente forma sosten na e memoria di clientenan cu den nan bida diario tin por lo menos problemanan di memoria cu ta stroba nan pa funciona manera ta desea.



### Contenido di CasMarie Memory Group

- Combinacion di actividadnan pa sostene y activa e memoria (p.e. agenda training/ solucion a diferente ehercicio mental etc) y actividadnan recreativo / deportivo.
- Informacion tocante (problemanan di) memoria y ideanan con por biba lo mihor posibel cu e dificultad aki.
- Grupo di combersacion caminda por combersa hunto cu otro cliente, intercambia idea hunto y siña di nan experiencia.

### Dia y Orario di CasMarie Memory Group

- Diaranson di 7.30 am - 3.30pm

### Contribucion pa cliente

- Awg. 100,- pa luna